

宜
焚
全
稿

宜焚全稿

卷三

府庫侵欺
改造段足
京邊錢糧
布疋回奏
三令開復
六年積弊
周理請告
周常令開復

巡按蘇松等處監察御史今降職三級臣祁謹
題為巡歷已周出境在邇回首地方尚有五事可
言敢竭愚衷仰候

聖裁事案查崇禎五年十一月二十六日奉都察院
勘劄准戶部咨該前按臣陳乾陽具題前事于
本年十月二十四日奉

聖旨據奏該府錢糧姦胥商解侵欺以萬千計向來
經管官所司何事全無稽核殊可痛惡着詳查職
名奏奪各犯葉遇春等該撫按勒限究比仍將追

過賑數據實回奏又領解已久尚無批迴是何情
弊併嚴查奏明其綾紗歲段等項寄頓京灣的着
該部查驗暫收存貯府廳的着刻期起解夏君聖
等行浙中撫按緝究錢糧各有項款那借即應微
抵何得以民窮為解還着責成見在各官照數速
補王時和等分別覈議具奏該衙門知道欽此欽
遵移咨劄行前來奉經備行道府嚴提侵犯業
遇春等勒限監比完贖具報并查領解各項錢
糧未獲批迴嚴追完掣及各年借支銀兩嚴催

清補其存貯綾紗段疋等項俱令設處扛墊速
行解部交納去後該臣接會又經部行催督并
親提比寃仍嚴檄府縣搜產勘報間續于崇禎
七年六月十七等日催據蘇州府將陸續追
完過各犯贓銀數目起解過綾紗完掣過批迴
及清補改正過借支銀數各另造冊呈報到臣
該臣覆核無異謹會同巡撫應天等府地方都
察院右僉都御史張 看潯海內錢糧之多
莫過于蘇州一府以故弊竇緣紛不可究詰雖

隸首之筭無以窮之是以前按臣饒京于出境之時歷陳其故前按臣陳乾陽奉

旨查理凡兩月而始告竣蓋有侵欺那借與起解而未獲批收之三項焉而再奉

明旨則以侵欺者令究比那借者令速補起解而未

獲批收者令嚴查臣欽遵惟謹凡一年所而手

口拮据罔敢或後巡歷所至先取侵犯嚴比血

肉淋漓叫號宛轉臣惟法是視不復顧也于十

庫錢糧之內陸續追完過曹文元顧汝欵等銀

共一千二百六十兩零于京邊錢糧之內陸續
追完過盛士美王家祚等銀共一千六百九十
九兩零內有見貯在庫候解充餉者有仍歸正
項完解獲批者有搜產估勘見在易價者數俱
存乎見少而大槩此輩一經染指用如泥沙在
今日惟拚此苦肉殘膚強挨刑責不則橫攀無
辜代之攤派耳臣于攤贖之禁申飭頗嚴民間
遂無反噬之累而于侵匿之

正供終難一旦以了局今且有監追物故如葉遇春

等九名者是亦法之窮于勢矣然贓既難以全
完罪則豈容少貸今諸犯有問斬如盛士美等
六名有問軍如徐時中等十一名問徒如王古齡
等五名其他如胡爾德等二十三名始蓋寬之
以三月完贓之例及今踰期不完則應得之罪
另當彙招以題

報矣此臣于侵欺之始末然也至于那借一項雖總
計一十二萬一千四百有奇然而如借應黔餉
撮抵

袍料給發援兵修製船械皆萬不得已而權宜以應
乃歆借者之清還必正項之徵解而今不特

赦前錢糧已不可問但屬帶徵即有銖積寸累以補
見在叅罰之急需尚苦不足各州縣其能應已
借之款項乎臣是以立為二法一日追補則以
本項之銀州縣或有徵貯者勒令解府歸還是
也一日改正蓋其中有本係一州之錢糧第因
年分之互異又有雖係別縣之錢糧尚得扣算
以會抵更有原無額設事屬急需不得不移緩

就急徑作支銷是也今已追補過自前按臣陳
乾陽查核之前計銀一萬七千七百四十餘兩
查核之後計銀三千四百九十五兩零改正過
八項共計銀八千一百五十三兩零此臣于那
借之始末然也乃若起解而未獲批收前後總
計錢糧六十餘萬今已追完過批收銀五十四
萬二千一百餘兩未獲批收銀止六萬六千餘
兩該臣嚴加覆核或錢糧業已到部以本年之
官布未完而留批不發或交納止給實收以該

縣之額銀未足而移剗行催或米折仍徵本色而換批起運或解官掛欠羈京而行籍追償其中以兌虧實欠而見行追補者不過二千三百五兩零臣皆勒限嚴督銷掣有期過此以往便當仍以侵欺究擬矣臣再繹

明旨以綾紗之寄頓京灣存貯府廳者一令驗收一令緝完今查一為沈瑞王之藩等缺欠綾紗一千三百六十六疋一為夏君聖等冒領綾紗二百一十四疋一為沈瑞停頓府後署綾紗八百

九十六元又陸玄科歲既八百四十五元今缺
欠者已押解各犯清理冒領者已責令本犯織
換存貯者亦經嚴著變產備墊及催西府協濟
銀兩立督起解并沈瑞夏君聖王之藩等俱經
押解赴部似可分別清完而

明旨所詳查職名者則以姦胥商解之侵欺所司乃
全無稽核以此問之于各官實則無詞以自逭
除該府官寇慎王時和史應選等已經奉

旨議罰外其他府州縣各官臣于每犯侵欺之下即

註其當時經管之人然而經管之人又原有發
覺之人也以故擬辟擬遣與夫問配繫獄者別
案累累第自前按臣陳乾陽之所彙查總報耳
非盡各官之任彼朦朧今始發覺也其中細數
緣繇及追完清補改正并已掣批迴各數目逐
一造冊送部查核不敢瑣塵

聖覽外相應具

題伏乞

勅下該部再加核議行臣等遵奉施行

巡按蘇松等處監察御史今降職五級臣祁
題為巡歷已周等事伏查犯人盛士美等侵那蘇
州府庫錢糧該臣嚴行提比據該府申報追完
二千九百餘兩補過三千四百餘兩改正過八
千一百餘兩追完過批狀五十四萬二千一百
餘兩除細數緣繇開造清冊送部查考外未敢
擅便題請

旨

崇禎七年閏八月初七日具題九月初六日奉

聖旨該部知道

巡按蘇松等處監察御史今降職三級臣初謹
題為查催歲生改正以重考成以裨

國計事崇禎七年五月二十九日奉都察院勘劄
刑科抄出該工部尚書周士模等題前事于本
年四月二十日奉

聖旨據奏各省直應解錢正未報完者尚多即報完
的亦未起解又循簿屢催不報州縣拖欠料價職
名無憑查覈司府各官藐玩殊甚還着照例從重
叅處仍一面嚴催依限解報交而炫等張調鼎等

對俸住俸催完姑依擬撫按總轄一方全無督飭
查叅併姦機稍解未見作何追擬殊屬溺職通著
自行回奏爾部既奉一體叅處之旨即當恪遵指
糾毋但以空言申飭欽此欽遵又奉勅劄准工部
咨該承運庫太監周禮等題為歲生段正匱竭
所司恣意拖延等事于本年五月初十日奉
聖旨各省直歲生段正積欠至三十餘萬急需何賴
前有旨將司府各官照例從重叅處著該部作速
議奏一面行該撫按通查經承官吏胥匠侵索情

與糾叅擊究仍嚴催加料備織已織完的刻期驗
解已解未到酌逐程挨查督押前來不得再有玩
延違者撫按官一体罰鍰工部知道欽此隨該本
部遵將各省直司府等官揭弘備等分別題叅
降罰于本月二十八日奉

聖旨這段延違玩司府各官分別降級罰俸住俸俱
依擬仍著各該撫按嚴催如式織完驗明勒限起
解有仍前玩徇的一体指名叅處其段價隨批註
明以便稽筭并申飭行欽此欽遵各另備咨劄行

到臣奉此案查接晉卷內先奉都察院勘創准
工部咨談本部題為遵

旨照例查叅未完段足以警違玩事于崇禎六年二
月十五日奉

聖旨各省直積欠段正屢奉明旨據奏解到甚少且
經管職名徇庇不報姦撤猾解亦不提追該撫按
所職何事好生藐玩都着自行回奏仍將本內議
處降級住俸各官速查填報其錢糧已經起解的
覈比批迴吏胥纖解侵匿的嚴究追補州縣未完

的併司府循環文簿通行勒限暫催違者指實叅
來如再延拘撫按一體並治應徽二府既稱新派
頭運解完姑免議欽此欽遵又奉勅劄工部抄出
該工部題為歲生兩省拖欠等事于崇禎六年

五月二十二日奉

聖旨這起運段足提追數解限期俱依議責成該撫
按恪遵嚴督如再玩違一體叅處欽此欽遵各備
奉咨劄前來隨經通行道府一面督催完解一
面嚴查官胥機匠扣剋侵需情縣速行查確盡

法究擬具報去後該臣接官先經嚴行催提蘇
州府將織完頭運新政段三千四百二十五疋
起批解臣衙門掛號辨驗隨責令解戶金繩皋
等星夜解赴該部交納已奉驗收三千二百五
十五疋其駁退段一百七十疋見行織換補解
獲有批收及繕奉部文核明在案又據鎮江府
將織完業額五年分歲造段一千一百八十八
疋于六年十一月二十九日解臣衙門驗印臣
查各段俱粗絁不堪當經駁回織換及行該府

嚴提各機匠追賠重寃節催未報續奉判開前
日又經備行道府嚴督各機匠將新舊欠解歲
改造段正勒限價織完運并詳查各州縣未完
料價銀數經徵職名刻期核確具報以憑奏
奏仍將原奉駁退段正及侵欠未完各姦機猾解
嚴行追寃具詳等因分檄督催完報間隨據蘇
松常鎮四府于崇禎七年七等月十九等日各
另造冊呈送到臣又據蘇州府織造同知吳佑
揭報織完

妃服段六十五疋已經驗明給批掛號起解訖又
崇禎元二三四五年分歲造段共完六百五十九
疋俱陸續解府收貯見在等因又據松江府織
造通判朱啟元揭報織完

妃服六十五疋已經申送驗印起解又崇禎二三
四五六七年分歲造段共完一千一百五十九疋
又改造段一千九百三十二疋見解本府驗收
候催扛墊起解等因又據常州府織造通判繆
正任揭報織完崇禎六年分歲造段二百疋又

改造段五百六十一疋其駁回頭運段二千零
四疋并歲造段五百六十七疋見行督織另換
補解等因又據鎮江府織造通判王修文揭報
織完崇禎五年分換補歲造段四百五十疋六
年分段七百二十三疋又二運段紗一千五十
疋又補換駁回段五百五十疋見貯在局候催
丹陽縣欠解扛墊銀兩起批解部等因各具呈
前來該臣覆核無異除將臣屬四府各已未完
解段疋及各州縣完欠料銀數目并經管職名

逐一填註明白彙造清冊送部查核不敢瑣陳
聖覽及查常州府機戶蔡文榮等鎮江府機戶吳毓
祥等先經撥行常鎮道究擬或招已于本年七
月十六日具

題記又松江府機匠沈山等亦經駁批蘇松道究
招詳覆見行另疏題

報外今該臣謹會同巡撫應天等府地方都察院右
僉都御史張國維看得歲造改造之殿宇皆
上供所必需歲造之料墊額派之于田畝改造之料

墊例番之于四司原非無米之炊苟有司以所
難也乃自料缺則織造數少墊缺而起鮮不前
甚且已到者絲綾紕薄顏色黯淡又甚且循環
之文簿久不送查致完欠無稽職名莫核此皆
經管之罪而臣等疊奉

嚴綸亦不勝隕越之懼焉乃松常鎮三府駁退之段
疋俱在臣未經入境之先及臣受事而督催因
校蘇州府之改段已驗收三千二百五十餘疋
矣其他四府陸續織完歲段三千一百九十一

足改股四千九十三足今俱候墊起解臣已力
為嚴催而無奈各州縣之泄泄何也歟非照例
叅罰何以警策其惰窳乎臣將歲造自萬曆四
十四年起至崇禎五年止改造自萬曆四十五
年

題派一次崇禎三年

題派一次各完欠細數及該管職名備造文冊送
部以聽查核叅處而

明旨所謂奸機猾解其在松常鎮駁股經常者臣已

先後究擬奏

報不敢少貸于法至于領價領隊而織解侵欺如劉
開俞時寶等者查時寶為押解之官非經手之
人旋已回籍報故而黃之武亦久問徒獄覈談
道府屢以產盡詳銷臣尚未之敢許至陸玄科
以別案擬斬其欠段一千八百一十三疋查未
給者絲西府協濟之銀見絰移催補解臣已於
清查省直錢糧數中逐一報明矣吳必達欠段
六十四疋已故而監追其子魏士華則該鎮江

有押解赴京查理舊欠俱當令之實有歸着也
乃臣更有陳馬織造之如法應寄之於帛常之
府佐乃各府佐能使機戶之加工而不能必各
州縣料墊之早給是以料墊之欠缺在各州縣
之恭罰何辭而府官亦不能以追責若有料有
墊而不織不解與織而紕隨解而遙延自當執
罰例以繩各府佐之後矣乃臣等原有辨驗之
任者寧詳毋畧是以鎮江府五年之歲段一千
一百八十餘疋皆註駁退另造誠以

內府之應頒不敢不慎之也臣遵奉

明旨據實回

奏伏乞

勅下該部核議行臣等遵奉施行臣可勝悚息待
命之至緣係查催歲坐段足以重考成以裨
國計事理未敢擅便為此具本專差承差

賈椿謹題請

旨

巡按蘇松等處監察御史今降職三級臣和謹
題為查催歲支段正等事臣奉札督催蘇松常鎮
四府歲改造段正已完起解驗收三千二百五
十餘元緡報織完限墊起解七千二百八十四
元奸棍猾解亦俱究罪另疏題

報除各已未完解段正及各州縣料銀完欠數目并
經常職名開造清冊送部查考外未敢擅便謹
題請

崇禎七年閏八月初七日具題九月初六日奉

聖旨該部知道

巡按蘇松等處監察御史今降職三級
題為支放絲紛庫貯數少懇乞 謹

裁酌以無悞要需事崇禎六年十一月二十三日奉
都察院勘劄准戶部咨該本部題前事查叅山
東及蘇松二府五六兩年未完太倉錢糧議將
布政勞永嘉等降級督催等緣繇于本年十月
十五日奉

聖旨據奏舊餉急需外解不繼山東及蘇松二府玩
悞尤甚勞永嘉等着各降三級戴罪督催仍行該

撫按嚴查州縣經管職名依限奏處一面勒令作
速完解其各省直未完的通着查明奏來欵此欵
遵移咨備劄前來隨經檄行該道府遵照嚴催
完解并詳查各州縣經管職名開報去後又奉
都察院勘劄准戶部咨該本部題亦為前事于
本年十一月初八日奉

聖旨據奏各省直未完舊餉尚五十餘萬該管官殊
屬玩愒着嚴行督催不許以帶徵藉口如歲終不
完分別叅處欵此欵遵備奉咨劄併行到日奉經

轉行各該道府將所屬未完舊餉勒限督徵完
解仍將完欠數目造冊送查以憑核實

題叅卽行嚴催聞續于崇禎七年七等月初九等
日據蘇松兵糧道右布政使周汝弼呈據蘇州
府署印推官周之夔松江府知府方岳貢各將
崇禎五六年分原造錢糧已未完解數目并
經管職名造冊申送前來又據常鎮兵糧道副
使徐世蔭呈據常州府知府王觀光備造文冊
併送到臣該臣覆核無異及查鎮江府五年分

銀兩已奉部文開載全完其六年分原奉劄開
未完銀二千一百三十五兩零亦于本年十月
二十八日批差金壇縣典史王良弼解部交納
訖又經備行該道核報相同其職名應免開列
除將蘇松常三府送到各冊另行彙造送部查
覈不敢壅塵

聖覽外臣謹會同巡撫應天等府地方都察院右金
都御史張 看得太倉舊餉所開者

國計邊儲一年之所入尚不足以供一年之所出

乃若其中尚有逋欠不前設也九塞呼庚三軍
枵腹此其時方按之有司而數其怠玩之罪不
其晚乎是以此項錢糧部有帑科有核帑嚴矣
而伏荷

明綸猶令臣等嚴查職名依限奏處豈非以四郊多
望之時民窮固當恤

國庠更可虞乎臣等仰遵

天語以完解為期若猶未也自不敢不先之以督催
繼之以察

奏矣今查崇禎五六兩年分除鎮江府屬俱已全
完起解其職名應免開報外如蘇州府每年額
編銀一十四萬九千五百三十五兩五錢零五
年分已完銀壹拾四萬四千六百七十九兩七
錢零未完銀四千八百五十五兩七錢零
倉州未完銀五百兩吳縣未完銀二百一十三
兩六錢零崑山縣未完銀四千一百四十二兩
零六年分已完銀七萬二千二百四十四兩一
錢零未完銀七萬七千二百九十一兩三錢零

內太倉州未完銀八千五百二十六兩二錢零
吳縣未完銀一千八十三兩六錢八分零吳江
縣未完銀五千八十五兩三錢零常熟縣未完
銀一萬七兩一錢零崑山縣未完銀六千八百
二兩四錢零嘉定縣未完銀四萬五千七百八
十六兩四錢零松江府每年額編銀四萬九千
二百七十九兩零五年分已完銀四萬二千五
百三十五兩三錢二分零未完銀六千七百四
十三兩七錢四分零上海縣久解六年分已

完銀二萬五千二十七兩一錢五分零未完銀
二萬四千二百五十一兩九錢一分零內華亭
縣未完銀一萬三百五十二兩七錢零上海縣
未完銀九千五百八十四兩九錢零青浦縣未
完銀四千三百一十四兩一錢五分零常州府
每年額編銀四萬五千三百五十五兩一錢零
五年分已完銀四萬三千四百九兩七錢零未
完銀一千九百四十五兩四錢五分零
縣欠解六年分原編銀四萬六千四百八十八

兩二錢零已完銀二萬三千二百八十二兩九錢七分零未完銀二萬三千二百五兩二錢二分零內武進縣未完銀一萬二千五百六十七兩四錢七分零無錫縣未完銀六千六百八十五兩三錢三分零江陰縣未完銀三千六百五十二兩四錢二分零靖江縣未完銀三百兩此三府五六兩年京邊完欠之數也屬五年分者完多欠少計約在九分已上其在六年則江南以壓徵之嘗至今歲秋冬方能及額雖其間陸

續徵完尚有到府而未解起解而未到者然而
奴氛寇警度支之需餉何殷此即不能先時措
辦已無辭怠玩之責况尚有泄沓成習者乎經
管府官蘇州府知府陳鍾盛松江府知府方岳
貢已經奉

旨降級無容再贓其他府州縣官職名具在部冊合
候覆

請

明旨處分庶幾策之使前因敢或後既經兩道冊報

前來相應具

題伏乞

勅下該部覆加核議行臣等遵奉施行緣係支放絲
紛庫貯數少懇乞

裁酌以無悞要需事理未敢擅便為此具本專差承
差
賚捧謹題請

旨

巡按蘇松等處監察御史今降職五級臣和謹
題為支放絲紛等事據蘇松常鎮兩道各將所屬
崇禎五六兩年京邊錢糧已未完解數目并經
管職名該臣覆核除鎮江府全完不開外所有
蘇松常三府開造清冊送部查考未敢擅便謹
題

請

旨

崇禎七年閏八月初七日具題九月初六日奉

聖旨已有旨了該部知道

巡按蘇松等處監察御史今降職三級臣祁
題為奉

旨按月奏報事崇禎七年正月十五日奉都察院勘
劉准戶部咨該本部奉

旨將八月分摘叅過限重要事件詳查經管職名照
例議罰仍行嚴催等緣繇開列具題於六年十
月二十四日奉

聖旨是欽此欽遵移咨備劄內開一件捧
旨具

奏寄布始末等事直隸巡按饒

題崇禎四年六

月初三日奉

聖旨據奏曹文元顧汝敬等盤踞為奸將外解十庫
錢糧積年侵蝕罪不容誅著饒京通提正身勒限
嚴比變產完償其所供布料堆貯處所一并查明
督解如絃承各官故意徇延即指名叅未定以通
同罪論又遠年黃蠟綾紗等項著即實估變價解
部以濟軍需該衙門知道欽此又該本部題覆按

臣饒具題為專言十庫外解等事崇禎五年

二月十六日奉

聖旨這范布准照數變價充餉曹全未完布墊并饒
所盜奸商猾胥積年侵蝕錢糧該撫按會否嚴
提追比通署勒限補解仍自行回奏欽此前件節
次行催未到應同捧

旨具

奏寄布始末等事議罰蘇州府知府陳鍾盛降職
一級巡撫莊祖誨巡按和 住俸督催等因
到臣奉此案查前開捕卷二件先經前按臣饒

陳

奉制抄業通行去後今該臣接管續

奉前因隨行嚴限督催提比及款開分發蘇州
府貴令據實登答造報節次差後守催續於崇
禎七年七月初二日據該府揭開曹全原係曹
文元曹文昌兄弟二人戶名具領辦萬曆四十
二年分布二萬三千七百六十二疋解至中途
因侵費墊銀未經交納將布寄頓河西務地方
奉

計收過好布一萬七千七百二十五疋爛布四千六

百足外尚侵欠布價墊銀五百五十七兩二錢二分已完四百九十九兩二錢二分差官李正位陳啓華帶解訖未完五十八兩像嘉定縣布牙朱希洲所欠見在嚴追又顧汝敬分領曹文元布墊銀九百一十三兩六錢已完四百六十兩二分五厘差官李正位帶解訖續完二百七十八兩六錢二分貯庫候解未完一百七十兩九錢五分五厘見將汝敬子顧忠監追顧憲明領侵萬曆三十五年顏料銀二千三百四十

八兩五錢二分四厘四毫已完一千九百兩差
官姚光遠解部訖續完七十八兩六錢二分貯
庫候解未完三百六十九兩九錢四厘四毫見
將憲明弟憲章偕徐邦俊監比據開田房見行
變產完納又崇禎元年分顏料係委官丘得聖
辦料領銀二千三百八十二兩一錢七分二厘
四毫四忽三微七纖五沙督商顧全辦完起解
批迴見行立限追比另完鋪墊銀四百五十八
兩七錢三分九厘八毫一絲二忽五微差官李

正位解部訖放存扛銀二兩八錢見貯在庫未
完五十六兩二錢八分七厘七毫八絲三忽一
微二纖五沙見今嚴催各屬完解又金宇領解
天啓六年分顏料委官沈文進領料扛銀二千
七十九兩二錢九分五厘一毫八絲六忽三微
九纖六沙督商金宇辦完解部批迴見行嚴追
又完鋪墊銀二百五十九兩八錢六分七厘七
毫五絲五官祝胤祖帶解訖又陳裕出名領天
啓七年分料價銀三千二百四十七兩零辦料

至河西務因候墊未交續將領過前項銀內扣
集料銀二千八百九十四兩五錢二分四厘七
毫六絲三忽三微辦完解部驗收訖內有黃蠟
一千九百斤本部駁回隨經買換裝附部糧同
知黃耀舡上帶解進京取舡戶湯福收管見在
其扣出鋪墊銀三百五十兩四錢一厘四毫一
絲二忽八微七纖五沙差官祝胤祖解部訖又
陳成陳裕領解崇禎元二兩半官布七萬八千
八百二十四尺委官黃繼賢辦完并墊扛銀七

千八百八十二兩二錢四分批差本官同部運
通判張爾葆解部訖又陳裕領解天啟元二兩
年分官布銀三千一百三十三兩七錢六分截
數筭扣墊扛起解該布九千七百九十三疋批
給部運同知蔣爾第督押官商沈文進陳裕解
部訖鋪墊銀四百三十八兩八錢九分二厘差官
祝胤祖解部訖又陳裕領解天啟七崇禎元兩
年分黃絹墊價六千五百六十六兩解絹四千
六百九十疋批差本商解部訖又萬曆十四年

蘇州府後堂綾紗變價銀一千六百餘兩差官
陳啟華萬曆二十八年瑞光寺黃蠟變價銀三
百四十六兩差官姚允遠解部訖等因到臣該
臣覆核無異謹會同巡撫應天等府地方都察
院右僉都御史張國維看得三吳之錢糧千端
萬緒而耗蠹其中者不可以縷指然莫大於十
庫之本色升價蓋採辦必用官商交納又延時
日此其間儘可藏奸作宄或托言乎貨物之經
駁或藉口于鋪墊之未完故不但入手竟同泥

沙而且寄頓半歸烏有今當此民窮財盡之時
即數金之微輸亦不知費有司幾許敲扑竭小
民幾許脂膏而此輩一經侵漁非千即百

國法牢容少貸乎哉自經前按臣饒京之摘發而

臣恭繹

明綸則大槩有三項焉其一奉

旨云嚴比完償則指曹文元廣汝敬等之侵欺錢糧

言也其一奉

旨云查明奢解則指曹全等之寄頓物料言也其一

奉

旨云實估變價則指遠年黃蠟綾紗等項言也內除
寄頓物料係曹全所管解其在務閑在直估者
經該部差官驗收共得布一萬七千七百二十
五疋其氎爛者四千六百疋另行變價俱已明
白臣不再贅外惟是比價與估變則臣等事也
今就比價者言之曹文元所侵布氎五百五十
七兩零已完過四百九十九兩零其未完之五
十八兩有布牙朱希洲可認完也顧汝敬侵分

曹文元之布藝九百一十三兩零已完過七百
四十二兩零其未完之一百七十兩零有親子
顧忠可監追也又顧汝敬同顧憲明侵顧耕畝
二千三百四十八兩零已完過一千九百七十
八兩零其未完之三百六十九兩零有嫡弟顧
憲章親壻徐邦俊可分抵也按此侵欺之數日
完者多而欠者少然臣務在窮追不令其有絲
毫之遁方為結局耳再就估變者言之一變黃
蠟之價三百四十六兩差官姚允遠解納矣一

變綾紗之價一千六百餘兩差官陳啟華解納
矣是此項已全完而前項亦已將完且不敢恣
忽置之也他若陳成等之領布料扛墊銀元年
分六千四百兩二年分一萬九千二百兩也則
有通判張爾孫帶解之批廻可查沈文進之領
解布九千七百九十餘疋及另解鋪墊銀四百
三十兩零也則有同知蔣爾第委官祝胤祖帶
解之批廻可查陳裕之領辦黃絹價墊六十五
百六十六兩應辦絹四千六百九十疋也則有

本從銷掣之批廻可查惟是截全所領崇禎元
年之顏料墊扛銀二千八百四十餘兩內惟另
解之鋪墊四百五十八兩零有批廻外陳裕所
領天啟七年顏料墊扛銀三千二百四十四兩
零內惟另解之鋪墊三百五十兩零有批廻外
其本色一項嚴比銷掣此在蘇州府官不能不
任其責臣等皆催其又敢後焉凡此皆

明旨所指為奸商猾胥前按臣饒京發覺於先而今
或查明或補解於後者謹遵自行回

奏乞

聖諭據實具陳提圖旦夕竣事伏乞
勅下該部覆核施行

巡按蘇松等處監察御史今降職五級臣和謹
題為奉

旨按月奏報事臣奉札行追犯人曹文元等侵欠十
庫錢糧卽提嚴比據蘇州府揭報先今陸續共
完解過料墊銀一萬四千一百九十餘兩續完
候解銀三百五十餘兩給商辦完起解過顏料
銀七千三百五十餘兩絹布共九萬三千三百
七疋其餘未完監追勘產未敢擅便謹題請

旨

崇禎七年閏八月初七日具題九月初六日奉

聖旨戶部知道

逃按蘇松等處監察御史今降職五級臣祁
題為遵謹

旨查恭積欠錢糧以嚴考成以崇奉

先大典事崇禎七年六月二十八日奉都察院勘劄
准戶部各該本部題覆南京光祿寺卿周之綱
題前事本年五月十五日奉

聖旨這積欠錢糧經管各官先議及分別罰治俱依
議仍責成見任官帶徵完解未報職名併侵糧解
從著該撫按查議追徵欵此欵遵內開光祿寺本

折錢糧自崇禎元年起至五年止無錫縣陞任
知縣陳其亦調任知縣楊雲鶴未完二分行見
任衙門責見任印官照例帶徵完解該撫按具
題開復等因備咨札行前來臣隨牌行通府嚴責
見任官帶徵完解去後續於本年八月十一日
據常鎮兵備副使徐世蔭呈據常州府申蒙本
通批據無錫縣調繁吳縣知縣楊雲鶴申詳無
錫縣崇禎四五兩年南京光祿寺錢糧開復緣
繇前事奉批仰府即查報奉此該本府查得無

錫縣原編本寺錢糧止有蜜糖料價併柴薪腳
價二項除元二三年係前任知縣陳其赤經徵
四五兩年今調任知縣楊雲鶴經徵崇禎四年
分本寺柴薪銀一百九十三兩四錢七分一厘
六毫於四年閏十一月二十八日批差解頭張
阮山解部五年分銀一百九十三兩四錢七分
一厘于六年六月十五日批差解頭唐禎忠解
部四年分額徵蜜糖料銀二十一兩三錢六分
二厘九毫七絲於六年四月二十七日批差解

頭陸恭直解部三項銀兩俱經獲批附卷記其
五年分額徵審餉料銀二十一兩三錢六分二
厘九毫七絲批差解戶部錢二三官解于七年
七月十九日到府轉文于八月初三日赴部交
納批迴見在追掣錢糧今已全完罰俸似應開
復等因到道該本道看得無錫縣前任知縣楊
雲鶴經徵崇禎四五兩年審糖柴薪二項銀兩
未經完解致蒙罰俸行據府覆四五兩年前項
銀兩俱經解部其起解月日解官職名并掣批

見在止有五年密糖銀二十一兩三錢六分二厘九毫零又解府差官轉文于本月初三日赴部交納追掣批廻似無差謬相應轉請伏乞俯念本官前銀已經完解奏賜具

題開復等因前來本年八月二十五日又奉勘創准戶部咨為賞咨撫按以使題履事據武進縣知縣程九萬差役呈前事據此案查本年四月內該南京光祿寺卿周之綱題為遵

旨查叅積欠錢糧等事查叅南直各府州縣官未完

該寺錢糧內開武進縣知縣程九萬經徵崇禎
五年分蜜糖柴夫銀共一百七十三兩三錢二
分零計未完二分本部議照恭罰南糧舊例降
俸二級隨據本官呈稱前銀已解本寺一面仍
行南光祿寺查明確據回部去後今據該寺呈
覆該縣蜜糖等委于六年十一月內起解七年
四月內到寺查收祇因解役遲延以致本官受
罰今前銀既完解到寺原恭降俸似可即興開
復但該撫按尚未疏請前來本部不便遽

題相應咨會撫按將武進縣知縣程九萬完解南

糧題

請開復寺因又據武進縣申稱崇禎五年分久解本
寺柴夫客糖二項共銀一百七十三兩三錢二
分三厘零于崇禎六年十一月內批差解力程
既清照數解完訖本寺原行故牒可據等因又
據常熟縣知縣楊鼎熙申稱查得南京光祿寺
未折銀與客糖料銀早職經徵崇禎元二三四
五年一一如期完解復有批收附卷並無拖欠

茲奉帖文崇禎五年欠解蜜糖料銀一十八兩
四錢四毫計未完二分降俸二級切查前銀案
于崇禎六年十一月十九日差解戶朱傑唐解
府倒文轉解本寺已經完獲批迴庫收備照乃
七年三月本寺查恭職猶掛名疏中或發疏之
日未及覆查續完足額致已完與未完同罰耳
今錢糧已完新蒙降俸二級例應開復伏乞查
明

題開等因各到臣該臣覆核無異謹會同巡撫應

天等府地方都察院右僉都御史張國維看得
原任無錫今調任吳縣知縣楊雲鶴見任常熟
縣知縣楊昂熙武進縣知縣程九萬俱以未完
南京光祿寺錢糧在楊雲鶴則罰俸半年在楊
昂熙程九萬則皆降俸二級受若責而怠若事
固

功令之所不容遲者也今查楊雲鶴任內經徵四五
兩年分該寺銀兩其已解者俱完獲批廻止五
年分未完蜜糖銀二十一兩零亦于八月初三

日補解楊尚照未完五年分案糖銀一十八兩
四錢零已于舊年十一月十九日解府倒文轉
解批已回銷程九萬未完五年分銀一百七十
三兩三錢零于崇禎六年十一月內給批起解
而到寺愆期實因解戶稽延之故近據該寺回
稱亦于七年四月內交收見奉部文可據則三
臣之于光祿寺錢糧允稱全完無欠矣所有原
奉降罰之條切應照例

題開以示激勸既經該通覆核具詳前來相應具

題伏乞

勅下該部將知縣楊雲鶴楊鼎熙程九萬復
請開優行臣等遵奉施行

巡按蘇松等處監察御史今降職五級臣祁 謹
題為遵

旨查恭積欠錢糧等事該臣查得原任無錫縣今調
吳縣知縣楊雲鶴因南京光祿寺錢糧未完罰
俸半年武進縣知縣程九萬常熟縣知縣楊鼎
熙亦以前項未完各降俸二級今擬報通行完
解原俸俱應開復未敢擅便謹題請

旨

崇禎七年閏八月初七日具題九月初六日奉

聖旨該部知道

巡按蘇松等處監察御史今降職 敕臣祁 謹

題為嚴考成廣積穀以預儲蓄以裨荒政事案查

崇禎肆年伍月拾肆日奉都察院勘劄准戶部
咨該本部覆題前事本年肆月初伍日奉

聖旨依議但各官已經數年遷黜互異今雖獎罰何
裨勸懲積穀係有司要務豈宜慢視若此著嚴
飭各撫按官以後俱于歲終舉行不許違玩其
崇禎叁年分的着即勒限奏來欵此欵遵移咨
備劄前來遵行在卷除崇禎叁肆伍年分所屬

積穀經管職名已未積過穀數先經前按臣具
奏外今照崇禎陸年分已終該臣恪遵歲終舉行
之

旨牌行道府將本年分各屬積穀經管職名查明原
額分數或足額或溢額或虧額或全未積務要
分別冊報以憑覆核具

題不得虛捏等因去後又經嚴催至崇禎年崇禎等月
拾捌等日蘇松兵備道右布政使周汝弼常鎮
兵備道副使徐世蔭將各官經管月日積穀稻

較各數目造冊呈送到臣卷查萬曆貳年拾貳
月內先奉都察院勘創准戶部咨為陳愚見備
賑荒以固邦本事該本部題議通行各該撫按
將所屬儲積數目逐一查實以拾分為率少叁
分者罰俸叁個月少伍分者罰俸半年少陸分
者罰俸捌箇月少捌分以上者罰俸壹年仍咨
吏部劣處全無者降俸貳級亦咨吏部停止行
取推陞待有成效酌議題

請復俸萬曆拾捌年捌月內奉都察院勘創准戶

部咨為天時亢旱財匱民窮謹循職掌陳末議
以裨康阜萬一事該本部覆議查叅積穀之限
叅年太闊壹年太促相應以貳年為率萬曆肆
拾伍年叅月內又奉都察院勘創准戶部咨開
積穀貳年查叅之例不得不易而為歲終舉判
之法第舉劾不必定額止以積穀之多寡完欠
為主而尤必問其所從來如本年積穀過額又
以前無適負無妄借絕無壹毫違禁苛罰之事
則所謂賢之尤者不必拘定資格之崇卑履任

之久近自應破格特薦其有較不如額或如額
多溢科充數者以吏議繩其後甄別必及于司
道殿最必及于查盤官各等因題奉

欽依移咨備劄前來俱遵行在卷今奉前因及按兩
道開報之數除印官及署印官已經糾叅議處
者雖所積及數與溢額不敢敘入外今以完欠
多寡為之殿最者謹會同巡撫應天等府地方
都察院右僉都御史張國維為

皇上陳之查得

蘇州府去任降級知府陳鍾威接管署印見任
住俸推官周之夔太倉州去任降級知州劉士
斗長洲縣署印去任同知王尚賢接管降級見
任知縣涂必泓吳縣見任降級知縣楊雲鶴吳
江縣署印見任同知黃躍常熟縣見任降級知
縣楊鼎熙接管署印見任常州府通判胡士驤
嘉定縣考選知縣來方埜崇明縣見任降級知
縣顏魁登

松江府見任降級知府方岳貢接管署印見任

同知張諧畢亭縣見任住俸知縣張調鼎上海
縣署印見任降級照磨王謔接管見任降級知
縣劉潛青浦縣署印陞任通判陳啓元

常州府去任降級知府洪周祿署印見任推官
吳兆璽接管見任知府王觀光武進縣見任降
級知縣程九萬接管署印見任推官吳兆璽無
錫縣調任降級知縣楊雲鶴江陰縣署印見任
同知蔡如葵宜興縣署印見任同知蔡如葵接
管見任知縣石確靖江縣見任降級知縣唐堯

俞

鎮江府見任降級知府王秉鑑丹徒縣調任知縣石確接管見任知縣張文光丹陽縣見任知縣王範金壇縣見任知縣柯友桂

以上各官積穀俱已如額兼有溢額者內有溢額尤多如知府王秉鑑額外多積二百四十五石二斗二升九合知縣石確王範柯友桂額外各多積一百八十八石知縣張調鼎額外多積一百六十石知縣唐克俞額外多積一百石吳

天

縣論劾去任知縣陳志廣應積穀二百三十六石一斗一升少積八十石一斗二升九合計欠三分四厘上海縣論劾去任知縣麥而炫應積穀二百十石顆粒未積合計本年蘇松道屬共督積過穀一萬一千八百九十五石二斗七升九合三勺常鎮道屬共督積過穀一萬六千五百石伍斗二升一合四勺該臣看得民以得食為

國以峙儲為本故王制曰無三年之積國非其國
矣況於三吳災祲之餘民心易動所恃為有備
無患者實以廣積儲為要務今將崇禎六年所
積之數分別核陳則有念周節屋一清鼠雀之
叢慮切倉廩集鴈鴻之澤如及額之陳鍾盛
寺二十二員所當獎勵者也又有芄苗膏雨寧
使紅腐之相仍蠹窟風清不作繭絲而保障如
溢額之王秉鑑等六員所當破格優異者也其
欠積三分以上及十分如麥而炫等二員庾廩

既處凶荒矣藉所當分別議處者也至若釐剔
運以精心稽查皆屬實政則如查盤之鎮江府
推官周廷龍蘇州府推官周之夔常州府推官
吳兆塋其勞勩俱應叙及而常鎮道臣徐世蔭
則霜清屬邑皆其樨節愛養所皆霑積諸度實
見率屬秉公之效所當亟為敘錄以勸急公者
也伏乞

勅下戶部覆議上

請將道臣徐世蔭優敘紀錄溢額知府王秉鑑等知

縣石碓等破格優異及額知府陳鍾盛等署印
推官吳垂望知縣涂必泓等併升紀錄查盤推
官周廷鑑等一體紀錄全未積數之去任知縣
麥而炫照例送重處分欠積三分以上之知縣
陳志廣罰治其未積數石仍責接旨見任各官
照數補積庶勸懲明而積儲更有賴矣降各府
州縣應積數額并各官任過月日積過數數及

90
開銷實存數目聽撫臣造冊

奏繳及造清冊送部查考外緣係嚴考成廣積數

以預儲蓄以裨荒政事理未改擅便為此具本
專差 齊棟謹題請

旨

崇禎七年閏八月十九日具題九月十七日奉

聖旨戶部知道

巡按蘇松等處監察御史祁

題為刑官援例乞養謹合詞代

題以廣

聖明錫類之仁事據蘇州府推官周之葵申為母老
懇恩遵例終養事內稱早職福建福州府閩縣
人繇崇禎四年進士于本年七月十二日除授
今職本年九月二十五日到任計俸已足三年
蒙各院正薦一十二次隨巡查盤明白蒙部叙

題紀錄一次今年

大計蒙舉卓異督兌本府屬漕達正耗九十三萬石

業今三運幸無失悞凡漕規利弊奉法任愆節
具申文崇禎五年七月二十日因知府史應選
去任委職署府至本年十二月二十日止經徵
錢糧俱完為舊欠官布顏料及三四年分金花
前後叅罰降級隨皆補解足額見索兩院具

題開復六年十一月十七日知府陳鍾盛入

覲調任又委職署府徵過金花京邊等銀一十七萬
兩見委主簿周尚信典史郝澄起解申院報部

文批可據尚未足額俱係各屬屢催不解亦有
去查申文兩院可據于今年八月初三日與接
署通判樊大義交盤明白從前徵帶臣子需分
得這吏誅正宜報効惟是職父周仕堦及生母
吳氏皆故惟幸

誥封宜人嫡母蔡氏鞠養成立護叨寸進今母年九
十一歲矣職雖有兄年亦七十中並失明自職
以上皆喪妻不再娶家無子婦服侍之人職始
生艱危賴嫡母多方救護母子獲全懷抱極寢

過於已出非庶弟可比嫡母晚景多病一切湯藥扶翼喜出職手早晚驚悸職在始安蓋自來相依慣習天性難割閔吳地隔四千里谿山險阻莫能迎養職今離家四載嫡母憶念夢寐呻吟嗚呼職而不在側倍自恓涼屢招職相見語語酸楚伏讀

大明會典開載洪武二十六年定凡官員父母年七十之上許令移親就祿侍養如果父母老疾去官路遠戶內別無以次人丁者明白奏准候親

終服滿起復赴部聽用又嘉靖十五年奏准親
老雖有兄弟篤疾不能服事者准令終養誠

聖朝孝治天下卓越千累職母年踰九十職兄筋力

已衰家鄉迢遠與例皆合特懇具

題准令終養庶職報母心慙報

國日長等因前來該臣批道查覆具報去後續于

崇禎七年閏八月初四日據蘇松兵備道右布政

使周汝弼呈奉臣批詳前事轉行蘇州府覆查
該本府署印通判樊大義覆看得本府推官周

之夢雄材畢世勁骨支天埋輪風未無雙
運漕心血獨苦悲任勞積報

園祇有赤心憂從中未忘家弗遺白髮頃以九旬
尸襲之母遂決一朝歸養之思細觀情節事蔡
之日真短報

主之年實長與

會典親老雖有兄弟疾篤不能服事者准令終養誠
有攸合况本官年力方強並仕未久初蒙紀錄
再舉卓異原受特達之知不比泉石之痛異日

者親終起復赴部聽用特移孝為忠明時之建
立未晚而暫假即還目前之罔極稍慰矣為此
理合終養伏候轉詳

題李等因到道該本道看得蘇州府推官周之夔
惠潔而加以明敏肺石無冤錢糧立辦卓績有
成望蔚起正本官忠于

朝廷策勲立名之會也乃以堂堂景薄子舍情深賦
婦已堅避恩莫挽據其情詞無假摺之

典例有符既經該府查明申覆前來合行轉報伏候

俯賜會

題予以慰罔極而全孝思等因轉呈到臣該臣謹
會同巡撫應天等府地方都察院右僉都御史
張省得蘇州府推官周之夢清貞粹品敏
練宏才遇事無不以實心任之而折獄釐弊獨
見精到其孜孜急公三年無間晝夜李官中之
卓品也乃以母年九十有一誠恐事親日短亟
圖歸養臣等勉之至再本官孝思愈深蓋其屢
膺薦剡曾舉卓異即今考績匪遠恒情無不欲

鼓舞于功名而本官獨以親衰多病披瀝陳懇
則其情之真切已可知矣伏查

大明會典內開親老雖有兄弟疾篤不能服事者准
令終養則本官實與此例相符既經該道查無
假托核確具詳前來相應具

題伏乞

勅下吏部覆議特推官周之夢准其照例歸養俟親
終服闋赴部選用遺下員缺仍速行銓補是

皇上之以孝治天下而臣工之感奮彌切矣臣可勝

悚息待

命之至

崇禎七年閏八月十九日具題九月十七日奉

聖旨吏部知道

巡按蘇松等處監察御史今降職 級五等 謹

題為遵

旨查恭逋欠金花以儆違玩以急

上供事崇禎六年七月十二日奉都察院勘劄准戶

部咨該本部題前事於本年五月十七日奉

聖旨這蘇松等府及江西逋欠金花各官分別罰俸

俸俸降俸降職革職等項俱依議內應降調革職

的姑准依限勒完過期不完即移會吏部照例處

治江西不開帶徵職名殊屬朦朧還着嚴催查明

冊報再違藩司重處欽此欽遵單開蘇州府每年
額該金花銀一十九萬六千一百八十八兩四
錢零崇禎三年分尚欠銀四萬七千六百一十
九兩六錢零計未完二分以上應照例降職一
級見任本府推官周之夔自五年七月二十日
署印經徵降職一級戴罪督催崇禎四年分尚
欠銀九萬六百三十兩七錢五分零計未完四
分署印推官周之夔應照例降職三級戴罪督
催常熟縣知縣楊昂熙每年額該金花銀四萬

二千七百四十兩九錢七分零三年分欠銀一
萬一千三百一十五兩九錢六分零未完二分
以上應照例降職一級戴罪督催四年分欠銀
三萬二千二百六十五兩九錢未完七分
以上應照例降職三級赴吏部改選今姑令戴罪督
催等因備咨移劄前來隨經檄行道府轉行各
官遵照原降職級戴罪督催去後續奉都察院
勘劄准戶部咨該本部題為酌定考成之法稍
通催科之窮以博

皇仁以蘇民困事本年十月十一日奉

聖旨正賦民自樂輸止因不肖有司但圖私潤輕那
以致積逋定額嚴法考成良非得已這分別見徵
帶徵分數既經酌妥依議通行俾賢吏見長窮民
受惠欽此欽遵內開本部新舊本折錢糧以崇禎
六年為見徵務須十分全完其五年以前者為
帶徵通查未完數目以十分為率自崇禎七年
為始每年帶徵二分以五年全完等因備咨劄
行在卷案經通行遵照外至崇禎七年八月二

十九日據蘇松兵糧道右布政使周汝弼呈蒙
巡撫張都御史批據蘇州府申詳府縣各官通
解經徵金花恭降援照帶徵

新例請題開復緣繇奉批仰道速查報又蒙臣批蘇
松道速查報蒙此案照先據該府申稱案查崇
禎三年分本官原欠銀四萬七千六百一十九
兩六錢零今共完銀一萬九千八百一十五兩
九錢零隨經差官傳一桂常鴻賓陳啓華周尚
信等解部訖止未完銀二萬七千八百五十三

兩六錢零內又據太倉州完解銀二千一百兩
又查崇禎四年分案開本官原欠銀九萬六百
三十兩七錢零今共完銀五萬六千五百二十
八兩四錢零隨經差官常鴻賓傳一捷陳啓華
等解部訖止未完銀三萬四千一百零二兩三
錢零但查兩年銀兩比之原額雖未十分全完
然近奉帶徵二分之例實為遺足前蒙降職似
應開復又查常熟縣知縣楊昂熙三年分欠銀
一萬一千三百一十五兩九錢零四年分欠銀

三萬二千二百六十五兩九錢今查兩年銀兩十分全完俱應開復等因到道已經批府覆查去後今奉前因又經仰府星速確查酌安具繇詳報以憑轉呈具

題等因奉此今該本府署印通判樊大熹有得金花銀兩近奉戶部題

准五年以前者俱作帶徵之數凡有叅罰完及二分即准與開復則三四兩年原欠銀兩似不必全完明矣今查周推官經徵接徵兩年續完銀七

萬八千餘兩在於崇禎七年六月完解而所奉之例則在於舊年十月題

准是所解者實在於奉例之後則開復之典實與例合况常熟揚知縣兩年銀兩俱屬全完批迴已掣俱應按照比例題

請開復者也等因到道據此看得錢糧首重金花完解自應及額但查近奉題

准恩例五年以前俱作帶徵完及二分得與開復是因三四兩年虧額而恭罰者止應以此例通算

矣據府查以推官周之夔兩年署印經徵接徵
共續完銀七萬八千餘兩踰於二分之數不啻
倍蓰且俱在奉

例之後起解固於開復允符而常熟知縣楊昂熙則
又兩年全完批廻俱掣益復無可再新相應轉
呈以俟

題開等因到臣該臣謹會同巡撫應天等府地方
都察院右僉都御史張國維看得蘇州府署印
推官周之夔常熟縣見任知縣楊昂熙俱以通

欠金花兩奉查叅在崇禎三年則俱未完二分
以上各降職二級在崇禎四年一則以未完四
分一則以未完七分
以上俱降職三級臣等仰
承依限勒完之

明旨卽行嚴督而二臣自創懲之後亦凜遵

功令設法催追拮据罔懈今查蘇屬三四兩年原
共欠銀一十三萬八千二百有奇已完七萬八
千四百餘兩若以帶徵二分之

新例計之數已倍蓰至於知縣楊鼎熙兩年共未完

銀四萬三千五百八十餘兩俱已全完起解獲
批在卷則二臣之間復均與例符所當一體上
請以示激勸者也既經該道覆詳前來相應具

題伏乞

勅下該部再加查核將推官周之夔知縣楊昂熙各

原降職級照例覆

請開復行臣等遵奉施行

崇禎七年閏八月十九日具題九月十七日奉

聖旨該部知道